

(中華郵局特准掛號立券認爲新聞紙類)

中華民國十四年八月二十九日

第二百五十七期

# 膠澳商埠報

## 本報價目

每週兩期每期一角  
每月八角  
全年八元  
外埠每月加郵費四分

膠澳商埠局秘書處機要股發行  
電話本局分機第十四號

# 目錄

## 命令

### 臨時執政令

- 膠澳商埠局訓令第一三六號
- 膠澳商埠局訓令第一三七號
- 膠澳商埠局訓令第一四〇號
- 膠澳商埠局訓令第一四一號
- 膠澳商埠局訓令第一四二號
- 膠澳商埠局訓令第一四三號
- 膠澳商埠局訓令第一四五號
- 膠澳商埠局訓令第一四六號
- 膠澳商埠局訓令第一五一號
- 膠澳商埠局訓令第一五二號
- 膠澳商埠局訓令第一五三號
- 膠澳商埠局訓令第一五四號
- 膠澳商埠局指令第一七〇號
- 膠澳商埠局指令第一七一號
- 膠澳商埠局指令第一七二號
- 膠澳商埠局指令第一八三號
- 膠澳商埠局指令第一九七號

- 膠澳商埠局指令第二三七號
- 膠澳商埠局指令第二三八號
- 膠澳商埠局指令第二五〇號
- 膠澳商埠局指令第二五五號
- 膠澳商埠局指令第二五七號
- 膠澳商埠局委任令第一〇一號

## 公牘

- 膠澳商埠局公函第九〇號
- 膠澳商埠局公函第一〇一號

## 布告

- 膠澳商埠局布告第八號
- 膠澳商埠局布告第九號
- 膠澳商埠局布告第一〇號
- 膠澳商埠警察廳布告第八七號

## 批示

- 膠澳商埠局批第八七號
- 膠澳商埠局批第九四號

## 更正

▲▲命 令▲▲

臨時執政令

財政總長李思浩呈請將廈門關監督王鴻免去本職王鴻准免本職此令

調任王君秀爲廈門關監督此令

任命林永謀爲閩海關監督此令

任命巴寶多爾濟爲烏蘭察布盟副長此令

中華民國十四年八月十八日

調任楊毓瓚爲江蘇菸酒事務局局長此令

調任王毓猷爲京兆菸酒事務局局長此令

調任孫壽恆爲綏遠菸酒事務局局長此令

陸軍部參謀本部呈察哈爾都統署參謀長兼軍務處處長陳琢如另有任用請免本兼各職陳琢如准免本

兼各職此令

任命宋式顏爲察哈爾都統署參謀長兼軍務處處長此令

中華民國十四年八月十九日

膠澳商埠局訓令 第二三六號

令 警 察 廳

爲訓令事查本埠華洋雜處人烟稠密清潔衛生何等重要况值夏令尤應特別注意以防疫癘潛生詎近有多處道路公共廁所以及各住戶之傾棄垃圾未能勤加掃除遂致穢物堆積臭氣蒸騰不但衛生有礙亦與觀瞻不雅殊非慎重市政之道爲此令仰該廳轉飭衛生事務所遵照對於各項清潔事務亟應遵章認真整頓切實辦理并轉飭衛生隊長警勤爲巡邏毋得視爲具文稍有疏懈自經此次令飭之後倘再查有不潔情

事定即從嚴罰辦以重要政毋違切切此令

中華民國十四年八月二十一日

膠澳商埠局訓令 第二三七號

令港政局副局長周迪評

為令知事案查該局局長職務前經令委該副局長暫行代理在案茲經另委孔達為該局局長除委任外合行令仰該副局長即便遵照妥為接洽此令

中華民國十四年八月二十一日

膠澳商埠局訓令 第二四〇號

令警察廳

為訓令事本埠華洋雜處人煙稠密現值炎夏潔淨街衢最關重要近直隸路北首鐵道橋兩頭汚土堆積臭味薰蒸殊於公衆衛生大有妨礙合行令仰該廳速即轉飭衛生事務所迅速掃除以重衛生是為至要毋延切切此令

中華民國十四年八月二十二日

膠澳商埠局訓令 第二四一號

令公立通俗教育講演所所長曲春芳

圖書館管理員胡鎮中

為令遵事查本埠通俗教育講演事務尙不甚繁應將所管事項歸併公立通俗圖書館接收辦理以節糜費至講演所所長名義着即取消茲並令譚玉峯邵璋前往監交除令公立通俗圖書館剋日接收具報教育講演所會同交接具報外合亟令仰該所長管理員即便遵照將所有鈐記款日文卷器具等項會同該管理員所長暨監交人員等剋日交接清楚呈報備核至關於圖書館暨通俗講演一切事宜即由該管理員切實規畫草擬詳細章程呈候核奪所有講演經費均由圖書館經費項下開支不得另請公款勿違切切此令

中華民國十四年八月二十二日

膠澳商埠局訓令 第一四二號

令公立通俗圖書館館長崔肇祺

爲令行事查本埠公立通俗圖書館應從新改組館長名義着卽取消該管長一併停職另委胡鎮中充該館管理員除委任並令譚玉峯邵瑋前往監交外合亟令仰該館長卽便遵照將所有鈐記圖書器具經費文件等項分別趕造清冊會同該管理員暨監交人員交接清楚呈報備核毋稍違延切切此令  
中華民國十四年八月二十二日

膠澳商埠局訓令 第一四三號

令公立通俗圖書館管理員胡鎮中

爲令行事查本埠公立通俗圖書館業經令行從新改組取消館長名義另委該員充任該館管理員並委譚玉峯邵瑋等前往監交各在案所有圖書館鈐記圖書器具經費文件等項務須分別造具清冊會同監交人員暨該館長剋日交接清楚具報備核茲並規定該館經費每月一百六十元自文到之日起按月來局呈領合亟令仰該管理員卽便遵照切切此令  
中華民國十四年八月二十二日

膠澳商埠局訓令 第一四五號

令公立台東鎮兩級小學校

爲令行事案查孫子卿等呈請認領該校地存磚一案前經檢同附件令飭警察廳轉飭所屬區署查明具覆去後茲據呈稱遵令查明台東公立小學地內存磚情形檢繳合同收條附具原呈請鑒核事竊於本年七月十六日奉前督辦公署第六三一號訓令內開案查台東鎮公立小學校使用地內存磚限期移去一案除原文有案邀免全錄外尾開合亟檢同原件令仰轉飭該地警察熟悉向來情由者就近澈底調查明確迅速

切實呈復以憑核辦切切等因並附發合同收條下廳奉此遵經職廳轉令台東警察署詳查具復去後茲據該署署長楚沛霖呈稱此案奉令後違即檢同合同收條令飭第一分駐所詳查去後茲據該所巡官趙廷臣覆稱違將包工人王棋坊傳詢據稱確與王亮臣孫子卿等在台東南頭包作磚牆三面言明工價洋一百四十元後因停工未將工程完竣僅在王亮臣手中領用過工洋四十五元是實等語復將送磚收條飭令巡長陳文學持赴青島濟南路二十九號復興永磚鋪查對賬簿數目亦屬相符惟另有磚五千九百四十個及去磚八千八百八十個收條二紙無賬可稽當據該磚鋪執事袁直臣聲稱此係在大濞山窰上直接所取未由本櫃經手復細查該窰所具收條二紙之戳記核與該號本櫃收條戳記略大一線確屬兩處經理等情報告前來復經巡官詢孫子卿王亮臣二人聲稱前在學校地址之磚確係自有并附具青島濞縣路公華印書局執事沈錫三呈請担保呈一件請核辦等情轉報前來伏查此項存磚既據查明證實確為孫子卿王亮臣等所有無訛並據沈錫三呈請担保不致冒領應否如呈准予給領之處廳長未敢擅專奉令前因所有違令查明台東公立小學校地內存磚情形理合檢繳合同收條附具原呈一併備文呈覆仰祈鑒核示遵等情並附收據呈文等件到局據此除指令外合亟檢同附件令仰該校知照此令

附合同一紙收條九紙呈一件

中華民國十四年八月二十二日

膠澳商埠局訓令 第一四六號

令 警察廳

為令違事查排演淫戲久干例禁良以風俗人心關繫至鉅風聞本埠各戲園戲班排演淫戲仍未淨絕云云為害匪淺除由本局頒發佈告外合亟抄發佈告底稿一份令行該廳遵照仰即認真查禁以維風化毋違切切此令

附抄發佈告一件

中華民國十四年八月二十二日

膠澳商埠局訓令 第一五一號

令 警察廳

爲令行事查公園爲公共遊憩之場於衛生行政最關切要其間花木以及各項設備積年培植布置悉費經營近聞時有遊人不思愛護反爾任意攀折隨便毀壞甚至沿近居民拋置垃圾等物既失觀瞻尤足釀成不潔之空氣礙及公衆健康似此行爲殊屬罔顧公益若不嚴行取締將見日就頹廢本總辦蒞任伊始耳目所及亟應整頓維持除由本局頒發布告查禁外合亟令仰該廳遵照轉飭該管區署每日派警前往各公園切實取締保護倘遇有仍前攀折花木毀壞陳設以及沿近居民拋棄垃圾情事務須分別懲處以儆效尤而維公益切切此令

中華民國十四年八月二十二日

膠澳商埠局訓令 第一五二號

令 農林事務所

爲令行事按公園之設以供公衆遊覽必須花木鮮明陳設完備方足以使遊人發生美感活潑精神查本埠各公園創設布置具有規模惟未能隨時整理以致花木或有枯萎器具或多毀壞甚至遍處污垢殊形不潔若不速加整理將見日形敗壞本總辦下車伊始耳目所及亟應整頓維持除分令警廳飭警取締并由本局布告保護外合行令仰該所遵照安速派員前往各公園查察情形切實整頓其花木之有枯萎或參差者加以培植修剪器具之有毀壞或缺乏者酌量修理添置遇有污垢設法消除并希揭示規則俾資遊人遵守以期一改舊觀克臻完善並將整理情形具報查攷切切此令

中華民國十四年八月二十二日

膠澳商埠局訓令 第一五三號

令農林事務所

爲令行事查農業森林俱爲本埠要政舉凡講求樹藝研究耕種興利除弊節用理財在在均關緊要現值撙節財用刷新埠政之際應如何力圖整頓規畫無遺乃該所長任事以來瞬將匝月對於農林事務何者宜興何者宜革以及整理一切迄未見諸實行殊非慎重埠政之道合亟令仰該所長即便遵照淬勵精神兼籌並顧實事求是安速進行斟酌損益獻替可否隨時呈報以憑採擇務期日新月異成績昭著慎勿敷衍因循仍蹈前轍本總辦有厚望焉切切此令

中華民國十四年八月二十二日

膠澳商埠局訓令 第一五四號

令農林事務所

爲令行事查農事試驗場之設原爲研究學術促進農政關係至爲重要該場既爲該所附屬機關該所即負有督飭整理之責况值刷新埠政撙節財用之際應如何斟酌損益力求整頓乃該所長任事以來瞬將一月對於該場興利除弊及一切應行整飭事宜迄未見諸實行殊非本總辦殷殷求治之意合亟令仰該所長即便遵照妥爲籌畫切實進行務當實事求是勿得稍涉敷衍並將辦理情形隨時具報以憑查核是爲至要切切此令

中華民國十四年八月二十二日

膠澳商埠局指令 第一七〇號

令農林事務所

呈一件 遵籌增加收入辦法並改編十四年度收入預算請備案由

呈暨預算均悉查該所疏伐森林係臨時收入性質應即剔除由該所擬具詳細計畫另案呈請本局派員會辦以昭慎重至農產畜產收入訪聞積弊甚深應責成該所長切實整頓對於主管人員尤宜嚴密攷核勿任



稍有中飽情事該所十四年度經常收入預算應列存一萬三千二百五十三元其中應行增減之處已由本局逐一改定合將改正原冊發還一份仰即遵照辦理此令  
中華民國十四年八月十五日

膠澳商埠局指令 第一七一號

令農林事務所

呈一件 呈述縮減經費困難情形仍維持前編預算開支由

呈暨預算書均悉查該所所稱各節固屬情有可原惟奉令核減經費通案攸關礙難照准茲由本局按照所送預算酌予核減代為改定計全年共應減支八千四百八十元即按五萬六千五百元之數各月平均開支自九月份起遵照實行此次所減之數不過八分之一按照三分之二標準所差尚遠於業務進行應無妨礙如果第一項第一日應裁人員以及第二項第三目核減飼料事實上或有困難仍准於減定應支總數範圍以內自行勻挪支配總期款不虛糜事無偏廢是為至要此令  
中華民國十四年八月十五日

膠澳商埠局指令 第一七二號

令觀象台

呈一件 呈復核減經費並改編十四年度預算由

呈暨預算均悉該台迭送預算核減甚少惟念所陳各節尚屬可原應即准予照編仰仍撙節開支是為至要此令

中華民國十四年八月十五日

膠澳商埠局指令 第一八三號

令警察廳

呈一件 爲遵令更造預算並以核減餘款添設一區並募學警請核示由

呈暨預算均悉查該廳預算廳署水警署暨保安一二大隊統制刪減一萬九千五百六十元具見辦事認真殊堪嘉許至所擬添設一署及募警教練兩項係爲布置周密增高警士學識起見誠屬扼要之圖惟現在財政支絀籌款爲艱維持現狀已屬不易應將增列之一萬九千八百六十四元暫行剔除一俟財政整頓就緒庫儲充裕再行察酌情形令飭舉辦該廳及所屬本年度預算應按六十四萬九千零六十三元之數自九月份起按月平均開支合將改定原冊發還一份仰即遵照辦理此令

中華民國十四年八月十七日

膠澳商埠局指令 第一九七號

令 電 話 局

呈一件呈報核減經費情形請指遵由

呈暨預算書均悉查該局核減經費不過十分之一按之二分之二標準所差尙遠殊與通案不符姑念該局係營業機關深恐裁減過巨業務停滯致啓外人責言茲由本局的予核減副局長一缺者即裁撤經理科改爲總務科該科長薪水准支二百元全年應減一千二百元上務科長一缺少應裁撤歸總務科兼轄所有上務統由上務員負責全年應減二千四百元司機生八十名儘可敷用應裁汰二十一名酌減工資全年四千九百元水費一項依水道局帳目平均計算月支八十元已可敷用全年應減二百四十元總計共減八千三百四十元本年度經費定爲十萬零九千三百五十二元按月平均開支自九月份起實行合將改定原冊發還一份仰即遵照辦理勿違此令

中華民國十四年八月十八日

膠澳商埠局指令 第二三三七號

令 普 濟 醫 院

呈一件 呈為遵減經費另編預算並附造臨時費預算請鑒核由

呈暨預算書均悉該院院址自劃歸山東陸軍總醫院以後所有普通治療事務併入傳染病院辦理殊感不便該院長擬另覓房屋重行建設係為注重市民衛生起見用意至善但現時財政支絀實無餘力創設醫院應暫從緩一俟庫儲稍裕再議舉辦茲核所送普濟醫院經常預算列支三萬二千零七十六元應酌量核減改作傳染病院預算其中事務員支七十一元者應裁一員年省八百四十元患者食料應減去八百元薪炭應減去二百四十元旅費一百八十元應即剔除由雜支項下開支洗濯費應減十六元統計全年准按三萬元開支以之辦理傳染病院及普通治療事項當可敷用李村醫院遠在鄉區關係該區市民衛生應准繼續辦理原預算九千三百四十元應改為年支八千二百元主任醫官月支五百五十元者改為月支百二十元年省三百六十元電話一具應改為牛支一百元藥費所列過多應減五百四十元薪炭原列四百八十元改為年支二百元合計全年共減一千一百四十元均自九月份起按月平均具領又原送傳染病院經常預算一萬六千八百二十四元及普濟醫院臨時費預算六千八百三十元應即全部刪除傳染病院臨時費預算一千二百餘元應准編列惟須事先呈准方准開支以符定章合將簽註預算書二本暨註銷預算書二本發還仰即遵照辦理此令

中華民國十四年八月二十二日

### 膠澳商埠局指令 第二三八號

令稽查運輸違禁品所

呈一件 呈復核減經費困難情形照原案預算辦理並撥稽查員由

呈悉查現時核減經費原係通案所請維持原預算各節本難照准姑念該所經費無多款目尙屬核實應准從實辦理每月仍按三百二十七元四角開支至由警廳及軍警督察處派人協助一節應另案呈請核辦此令

中華民國十四年八月二十日

膠澳商埠局指令 第二五〇號

令 警察廳

呈一件 呈報探查靈山衛等處匪人架票及防緝辦法情形由

呈悉所擬防緝匪盜辦法尙屬妥善仍仰嚴令督飭所屬認真辦理以除匪患而保治安切切此令  
中華民國十四年八月二十一日

膠澳商埠局指令 第二五五號

令 港政局

呈一件 爲遵令核減經費情形並附陳增加收入意見由

呈覽預算書均悉該局編送預算較上年度僅減二萬餘元按之三分之二標準所差尙遠本應發還另編姑念該局主管事項關係港政至爲重要自應變通辦理由本局酌予核減俾省周折查經常費預算第一項內局長副局長俸薪仍按上年度月支八百元年省一千二百元辦事員員額過多應裁五人年省四千零八百元稽查裁去二人年省一千四百四十元第二項內文具列數頗多應減去三百六十元煤費應再減三千元船舶消耗品應再減七百二十元第三項內修繕應減去三百六十元統計全部共減一萬一千一百六十元連同該局原減之數尙不及十分之一於事務之進行自無窒礙設所減各款於事實上或有困難仍准於核定應支總數範圍以內自行勻挪支配所有該局十四年度經常預算全年定爲三十四萬六千七百一十元自九月份起按月平均具領至日員特別費及臨時費兩預算應准如擬編列惟臨時費開支應照向章事前呈准方許動用不得以預算規定爲詞任便開支事後呈請追認以資整理而免紊亂至條陳增加收入意見尙中肯緊應俟該局擬具詳細辦法後再行核奪飭遵合將改定經常費預算原冊發還一份仰即遵照辦理勿違此令

什發還原冊一本

中華民國十四年八月二十二日

膠澳商埠局指令 第二五七號

令軍警督察處

呈二件 呈經費無多請維持原案並另編預算書由

呈覽預算均悉合該處經費無多所陳困難各節尙係實情應准從寬辦理惟該處長月薪三百元之外另列津貼百元查各機關均無此例應即剔除以資撙節所有該處預算全年定爲一萬四千四百元自九月份起按月平均具領又現編預算係十四年度來呈及預算書均書爲十五年度殊屬錯誤合併知照此令  
中華民國十四年八月二十二日

膠澳商埠局委任令 第一〇一號

令 胡 鎮 中

茲委任胡鎮中爲公立通俗圖書館管理員此令  
中華民國十四年八月二十二日

公 隨

膠澳商埠局公函 第九〇號

逕啓者案據周村齊魯火柴公司經理管耀庭呈稱商在周村開設齊魯火柴公司製造火柴多行銷於膠濟路沿線等縣惟商以近日黃燐火柴業經禁止銷售若非設法改造實於營業有莫大之影響遂即照章改製硫化燐火柴以期廣銷各地乃商近日裝運此種火柴時路局以無貴局證明爲辭不與裝運商以不得裝運遂致銷路板滯存積過多實受重大之損失爲此除將本廠所製之兄弟牌商標硫化燐火柴三包送呈查核化驗外理合備文懇請貴局俯體商艱即予化驗證明該火柴確係硫化燐所製並祈轉知路局准予裝運勿再留難以利運銷而免損失實爲德便等情并附兄弟牌火柴三包到局據此除批示外相應檢回原呈火柴

三包函送

貴院即希轉飭化驗技師依法化驗并出具該技師證明書連同化驗結果一併函復來局以憑轉行實紉公  
誼此致

山東陸軍醫院

附兄弟牌火柴三包

中華民國十四年八月二十日

膠澳商埠局公函 第一〇一號

逕復者頃接

來牘以本埠推銷印花稅票商民各懷觀望請主持督催迅予特頒布告曉諭公衆以裨稅務等因准此除逕  
由本局布告閣埠商民一體遵章貼用外相應函復即希

查照是荷此致

青島印花稅辦事處

中華民國十四年八月二十二日

### △佈告▽

膠澳商埠局佈告 第八號

爲佈告事照得印花票稅爲國家良好稅法東西各國通行已久我國仿辦以逾十年現經膠澳主權收回尤  
應一律推銷以昭劃一查接管卷內本埠推行印花票稅一案歷經青島印花稅辦事處將印花稅章程及罰  
則佈告揭示復經前任一再分令各機關輔助推行暨佈告本埠商民人等一律遵章購貼各在案查印花票  
稅全國久經推銷即各地租界現以逐漸施行俾爲洋商貼用印花之預備而作對外之根據本埠爲通商口  
岸理應一致遵行况稅額至爲輕微而法律上效力極爲偉大商民依法購貼并不感受何種困難本總辦下

卑伊始點察本埠形勢商民人等對於納稅義務觀念仍極薄弱以致貼用印花稅票仍多觀望不前殊屬有違功令現奉

督辦山東軍務兼省長張佈告全省嚴飭催辦法在必行全省已遵辦本埠豈能獨異應凜遵法令積極進行以裕稅收合亟佈告閣埠商民人等以體知悉須知事關國課未便任令仍前玩藐致礙稅章自經此次佈告之後仰即一律遵章購貼毋得妄冀偷漏亦不得藉故避免倘再有應貼不貼及貼不足數或貼用蓋有偽戳之票各項情弊一經查覺或被人告發定即拏究依法從嚴懲辦決不姑寬其各凜遵毋違切切此布

中華民國十四年八月二十二日

### 膠澳商埠局佈告 第九號

爲佈告事照得排演淫戲久干例禁良以風俗人心關繫至鉅本總辦下車之始風聞本埠各戲園戲班排演淫戲仍未淨絕甚至別開生面創立新劇社名稱而所演各戲亦每有種種猥褻形狀無知愚民羣趨若鶩青年學子傾聽欲狂因視聽之所惑墮落道德者不知凡幾似此誨淫戲劇若不從嚴查禁殊於風俗人心爲害匪淺除令行警廳認真查禁隨時取締外爲此佈告閣埠人民一體知悉須知淫戲一項傷風敗俗莫此爲甚嗣後戲班演戲無論戲園堂會須取有益於國家社會不得排演淫邪有傷風化之戲倘敢故違一經拏辦定將園主班主人等分別依法從嚴懲罰決不姑寬本總辦言出法隨慎勿自貽伊戚也其各凜遵毋違切切此佈

中華民國十四年八月二十二日

### 膠澳商埠局佈告 第一〇號

爲佈告事照得公園爲公共遊憩之場於市民衛生所關綦要其間花木以及各項設備積年培植布置悉費經營近聞時有遊人思愛護反爾任意攀折隨便毀壞甚至沿近居民拋置垃圾等物既失觀瞻尤足釀成不潔之空氣礙及公衆建康似此行爲殊屬罔顧公益若不嚴行取締將見日就頹廢本總辦蒞任伊始耳目所及亟應整頓維持除分令警察廳農林事務所切實整理保護外合亟佈告閣埠商民人等一體知照嗣後

無論何人入園遊覽均宜恪守規則共喻斯意抱同樂之旨存公德之心對於所植花木所設器具毋許攀折毀壞沿近居民更不得拋置垃圾以保公安倘有置若罔聞仍蹈前轍者一經查覺定予嚴懲不貸切切此布  
中華民國十四年八月二十二日

膠澳商埠警察廳佈告 第三六號

為佈告事案奉

商埠局第一二三號訓令內開查通衢四達宜肅觀瞻夏令衛生不容露宿乃近聞本埠街衢每至夜間人民輒有裸身露體躺臥路側不特交通衛生均有妨礙而市民文野程度於此表現令人注目關繫尤為至鉅合行仰該廳愷切佈告並轉飭所屬認真查禁從嚴罰辦俾知儆戒毋稍疏忽切切此令等因奉此除分令各署轉飭所屬一體認真查辦外合行佈告週知倘再有裸身露體躺臥路側情事定即嚴拿罰辦決不寬貸切切此佈

中華民國十四年八月二十三日

△批 示▽

膠澳商埠局批 第八七號

具呈人薛文鵬等

呈一件 呈為教員金兆柱等虛捏保證彌縫已過請詳查更換以重教育由

呈悉查本案業經派員前往澈查仰候查復到局再為核辦可也併即知照此批

中華民國十四年八月二十二日

膠澳商埠局批 第九四號

具呈人公立九水兩級小學校教員張守安

呈一件呈請辭職並發給欠薪以便養傷由

呈悉查公立九水小學校因山水衝塌校舍傷害教員多人一案前據該校校長李鴻儒呈報來局業經派員前赴醫院慰問受傷各員並給



予恤金百元令飭分配在案茲據呈稱前情該教員此次受傷特重殊堪憫惻自應提前發給欠薪並酌給恤金俾資醫養而示體恤至呈請辭職一層仰候令飭該校校長察看情形呈復到局再行該辦仰即知照此批  
中華民國十四年八月二十四日

## ▲更正▼

本報第二百五十五期專件內第一條第二項並維持一有力句誤刊爲並維持利一力第二條首行不得彼此間此字誤刊爲比字第五條概無概字誤刊爲概字不論論字誤刊爲倫字第二行向何國去漏刊何字第七條締約國中漏刊約字均應更正又本報第二百五十六期專件內第一條第六行應立下漏刊行字第二條第二項在中國會議集之議字應刪第三條多刊第二條所載各條約中諸條款所定條件之前十六字應刪去又百抽二〇五原文係百抽二、五第七條百抽二〇五亦係百抽二、五第八條已經已字誤刊以字又廣告欄內房地股股字誤刊般字八月二十下漏刊日字均應更正

## 本報啟事一

本報雖係公報性質而以發展工商業爲主旨凡在本報刊登廣告者特別歡迎

## 本報啟事二

本報刊登廣告具兩大特色一訂閱本報者多係工商界鉅子可作極有力量之介紹一本報暢銷百七縣及各大商埠登載廣告可以普及全國

## 本報廣告更定價目表

- 一 凡在本報刊登廣告以四十二字起碼爲一行不足四十二字者按一行計算
- 一 登一期者每行收大洋一角登兩期者三角五分四期者六角一月者一元
- 一 登至二十行者均按八折計算
- 一 登半年者概以六折計算其因公益及公務事項刊登者無論久暫均按六折計算
- 一 刊登常年者另議特減
- 一 若用大字及印登商標者均照登佔面積計算刊工另議酌加